

陳雲怡公祖往回論學志

諸慈德見山人已未進士

庚午夏蒙

學道陳公祖囑 陳父母邀會于金牛半晌是時
以試事未竣旋即告歸別後致書請教如左
深聞之士有千里而同堂者意氣通也况通於心
性之間者乎日奉 台教雖俄頃已足千古但以
時會控惚未獲悉領 玄微竊以爲論學於往日
故當以難宗爲先論學於今日似莫要於毋自欺
三字矣 臺下開示諸生首揭陽明夫子之學而

要歸使人深造自得夫自得云者非可以揣摩上
度承當而印之自身無之非是此卽誠意之究竟
語雖聖人復起何能易之歟服歟服竊謂認道分
明則本心自無容欺卽欺着於何處唯造不以道
則絲髮離合之間便有許多包瞞去處其本來良
知恐不爲政而不良者陰攬而踞之豈唯踞之久
假不歸則遂以途之人認爲親父母失在針芒而
究分胡越則欺之一字學者恐日犯而不自知耳
今爲大寐之呼亦証之原不容欺之真而已夫盜

夜行劫至於殺人屠肝而明旦視之慈若佛子不
知其飾爲佛者何心貪夫徇利兢兢誰何而一聞
大盜之至則先衆而失色者必此人也又不知其
先衆而失色者何心是故謾異人與同行則心不
覺喜規異事與同過則心不覺愠此皆原來不欺
之真未及安排自然呈露者而人往往於此忽之
危微克罔之機正分於此而以時便習易遂不覺
覲面失真以流於欺則誠意之學難言久矣海內
同志指計似不可多得而毋自欺一語則每忽爲

尋常一句話更難得大開眼如 台臺者時相細
証其他玩弄識神憑恃氣魄窈裊於口吻之間而
自爲得者謂之可與語則可謂之自得則不可恐
反爲僞學佐之旗幟而滋爲聖學病痛孟子一生學
問只在正人心正人心者似亟當從欺處針之今
臺下正以斯道先覺王宰斯文則所以變我豫
章而轉之齊魯非 明公復誰仗哉依戀
宗壇交臂頓失不覺娓娓者便借以爲請 一盞地
也

陳公祖來書

自覲 道範側聆 提誨雖極匆冗中未嘗不
神依 函丈左右也試事小間齋繹 教言政擬
稍效管窺叩祈 開示而 台劄先之惓惓接引
不遺蒙陋而毋自欺一 提對砭今日學者真如
神針得穴論毋自欺而寃及造不以道更且洞病
因疎然汗下蓋 台臺以自得之心卽契 文莊
之家傳而又以 特立之躬修作末流之砥柱使
承 教者上之悟入良知之的旨而次之亦免于

影似狂蕩之弊不至爲懲噓廢食者口實誠

陽明夫子之功臣也已懋德學無師承力復綿弱

雖一念不敢自昧而積習未祛時多隱憾茲幸梓

貴鄉講求 真師良友切摩之益而標的倡導

實未敢冒任十三郡諸生亦多遠巡秘惜故從來

未曾追及學問一字乃沐 台臺不鄙引之南針

凡學問中原委苦甘一口說盡懋德惟有佩以終

生夫復何言然竊有夙疑不及今向

台臺求豁復何待乎用敢盥沐以請吾 夫子傳

心要旨自顏魯而外似未盡顏而又云我無隱乎

爾吾無行而不與二三子豈誨人原無揀擇分別

耶 聖門論學曰物曰事曰敏于事卽彼教亦曰

一大事而子又曰予欲無言豈聖門以此學作家

常物事微于語言理路外別有商量耶 今之敕

良知者畸重躬行此顛撲不破之論矣然知行如

眼足然不閉眼而舉足得毋有荆棘坑塹之慮耶

往 陽明夫子教門廣大不無流傳失真而一時

如 今先文莊二溪心齋緒山諸儒輩出成就幾

許大人品後之翻駁王氏學一味防其流弊者所
成就竟何如也豈王氏實從克已下手而後人王
持世教及開吟域之見耶 學脉之一綫相承者
自有對同處如祖父子孫滴血不差耳若從格式
摹求則堯之姑息西伯之嫡內二女禹之忘父
事仇湯武之放桀懸白文之小星充陳周之鶴鵠
破釜孔之見小君執父子同姓孟之勸齊梁竊主
黜霸皆于五大倫未盡合式恐皆不免今人雖黃
之口而萬世稱聖不衰者得無所謂自有對同處

滴血不差者在耶樹木生意結于根莖不求對同
而摹格式是置根莖而尋枝摘葉生意果能發皇
否耶 節操助猷世或不乏而承當絕學似覺寥
寥兩者孰易而孰難孰分而孰合耶今高明者屏
謝塵緣棲心淡寂如先儒所謂尋木發氣象似矣
然亦幸而境遇可閑坐一室耳設不幸而兵戈逼
體或不幸而金甌生塵將亦能晏然尋未發氣象
耶處家而米鹽凌稌出仕而錢穀刑名誠爲瑣屑
不關性命然周官一書遷豆菹醢等事無不纖悉

曲盡豈與姬公繫爰微旨絕無關涉者耶人皆知
離却當下更無學問然習俗浸淫透脫匪易將姑
放過一着從閑靜處自覓端倪耶抑如對陣見敵
命懸呼吸不容退避一步耶 學以同人爲大直
欲盡天下萬世人登之正覺而又曰人不知不愠
遷世不見知不悔甚且何及門愾然有莫我知之
嘆可見顏未曾曾未唯子貢未聞性天以前且未
客易言知而可責之天下萬世人乎否耶 金必
入火煅煉而後精否則頑金耳今學者天分本超

稍就桀桀平常簡點儘自輕安猝遭死生患難之
文便忙亂一無可恃豈不經鍛鍊猶未足驗學力
耶而鍛鍊之功平日將安居手耶彼醉生夢死草
木同腐固勿論其爲適來適去之見者亦云曠達
矣然聖賢必曰朝聞夕死曰知死生之說曰死而
後已曰何敢死卽子路亦且問死豈死固有道未
可草草聖賢不諱言之而更有進于適來適去之
見者耶 種種疑霧迷望本光惟 先生慧日當
空立 賜披豁慙德易勝洗板取誠翹跂待 命

之至外有臆測一冊附求 批政

答陳公祖書

寒門子弟並荷 教育近幸濫竽進取者一皆
明公曲成之賜也其自王祖以下咸嘉賴之正擬
肅函奏謝而 芳札至教忽已儼然寵施矣感幸
之私更復何如盥手捧誦 玉屑紛飛自古善言
德行者幾人非身有之安能得親切有味凡 來
札所示獎掖云云總是 夫子自道語而不肖方
以昏愚茫昧臆測於影響之間安能承之愧悚愧

悚雖然 台臺既不以愚陋見鄙惠然有範砭之
之意不及 與人度引之日直披其肝膽以受
陶鑄則先輩有云此生不向今朝度更向何時度
此生將終負父母生身而悔無及矣故敢不避阿
難之謬誕要借以暢 世尊之法旨爲萬世開迷
想 台臺嘉興盛心終不忍使門外漢終於磨礪
之見此不肖申禱之懷衷也

答第一條

來教謂聖門傳心要旨旨類曾而外似未盡領而

又有吾無隱乎爾一民似聖教原無揀擇分別愚
謂中庸率性之謂道性卽良知也聖人只是率性
而已良知無時不照便是率性便是與道爲體類
曾之領悟正信得無行不與之妙卽誨人不以言
語又安容得揀擇分別耶

荅第二條

來教謂聖門論學曰物曰事則理路語言合有商
量而又曰予欲無言豈理路語言之外別有商量
思意有迹之謂物有爲之謂事然物而曰格事而

曰敏於之敏之孰非良知之戒懼乎蓋徹上下通
微顯一以貫之而當時子貢猶以文章性天分作
二見故夫子醒之曰女以予爲多學而識之者與
其曰予欲無言蓋決之之詞也

荅第三條

來教謂知行如眼足不開眼而舉足意必有荆棘
坑塹之慮此正陽明夫子知行合一之旨也因當
時門人有資性過高者任見便是而腳步不整至
有不檢細行者故後之救之者畸重躬行遂今後

世無志之士藉爲口實遂以繩趨尺步爲得力修行及於大人之學爲世誥病安能望其有所成就耶今之主持世教者只有提掇致良知一法良知之說明而畛域之見自消矣

荅第四條

來教謂學脉之一綫相承自有對同處如祖父子孫滴血不差若不求對同而摹格式是置根芽而尋枝摘葉終不能有所發皇此論甚確中間所引堯舜禹周孔孟未盡合式處毋亦借其迹稍不同

以發明其正相對同之意而 臺下正欲爲群聖洗發語耳自古聖人相授一中中則無有方隅而格式字樣則從方隅而有者也彼聖人一心只在世界起念渾然不見有己既不知有己更何形迹之避而又慮後世離黃之口耶只是良知打得過處便下手耳此正所謂滴血對同處也就中文之小星充陳分明是樂而不淫而執父子同姓則事見家語恐失聖人之真卽有之料想孔子當日或欲令其朝夕相親以感動其天性之真如所云不

教而殺等語似尚失之何如何如

荅第五條

來教謂高明者棲心淡寂如先儒所謂尋未發氣
象云此幸而境遇可閑坐一室耳設遇事變亦
恐未暇又謂周官書何等瑣纖與繫爻微旨有無
關涉又謂人皆知離却當下更無學問然習俗浸
淫透脫匪易難道姑放過一着從閑靜處自覓端
倪云則 臺下已自道破矣此學原無分寂感
無分巨細只一良知通天達地出幽入明而彼所

謂尋未發氣象便已分寂分感照得一邊却不免
遺下一邊理會得繫爻微旨便任邊豆渣醯等事
照應不來卽來書所謂透脫不來更有何疑耶愚
謂良知在人恁處圓滿但人自不著不察致終身
繇之而不知耳卽如狄梁公與武氏賭表韓魏公
之撤簾郭令公之單騎見虜張文定之下馬呼萬
歲呼吸轉移無不曲當此可謂非良知之靈通變
化特未及識取作一生舵柄故與學問差隔一塵
耳若使偏尋未發氣象終日閑坐只好成一痴漢

豈能成經世大儒亦豈得爲大人之學耶

答第六條

來教謂學以同人爲大直欲盡天下萬世共知此
學而困及於莫我知之嘆以爲顏未喟曾未唯子
貢未聞性天以前尚未容易言知似不可以槩責
之天下萬世 蓋下此一發難則在良知面目愈
見親切矣良知無之不貫而不可捉以爲倪則顏
之喟也良知通天下一體而困心可推則曾之唯
也子貢億則屢中尚未免在推測而可以責天下

萬世人乎然而大匠誨人必以規矩昇之教人射
必志在設蓋師舍是則無以爲教弟子舍是則無
以爲學故曰君子引而不發躍如也中道而立能
者從之是知良知之肯綮匠輪輿之規矩也巧則
在乎人矣謬意有格物管見刻在平旦錄中用敢
同 大儒質之

答第七條

來教謂天分超脫者平常點鐵爐自輕安倖遇死
生之交便忙亂一無可恃致疑在鐵鍊未到愚以

爲生死之際未及嘗試輩以臆對此事在彼家言之
之津津或亦渺茫不可知之論姑卽朝聞夕死一
節虛心測之曾子謂仁爲己任死而後已卒驗在
啟手足易簣之際子路問死而夫子告以未知生
蓋謂知生則知死隱然言外也天地生人只有此
一段靈明之竅大學所謂明德陽明夫子所謂良
知蓋此乃通天達地幽徹鬼神亘古而不磨者不
以形骸之死生論也人能識得此體則旦夕古今
何生死之分耶不佞曾有鄙句云朝聞朝可死夕

死語未瑩不知在適來適去之見亦有合否

至領 別示大冊則惓惓導引聖門大路而岐路
旁門一齊塞遏及讀入路關頭走路程次則明者
益有所持循雖愚者亦有所開發而上路三鞭最
爲緊切歸根至誠則 來札所謂瓜熟蒂落水到
渠成真正到家消息至此而以言孝則起敬和色
自不在奉養服勞之迹以言仁則滿腔惻隱自不
在乍見鰥寡之感以言忠信篤敬則泰前倚衡自
不在拱揖語言之際以言學則既無提起亦無放

下安得有厭以言教則目擊道存不以言說又安
得有倦所謂至善之止中和之致只一言直蔽之
矣究其本來則無人不信其是亦無人可謝不知
無人可謝不能乃其究竟則人各自欺轉而互欺
結成一瞞昧誣謾世界了無成就宜乎厯 有道
之深憂而救挽之不能已已者也今千言萬語只
有提掇致良知一法時時照管事事點簡大陽當
空魍魎潛伏真種下地生氣自然發皇幸廉乎誠體
全而欺根絕學問始有歸宿有結果而不淪於雜

學以自誤而誤人也此刻願得 多頒廣示大振
宗工之鐸以挽近學之陋如不肖幸當先沐 教
謹奉左右朝夕顧諟誓終身不敢倍負以爲報而
已昏老語次無倫伏祈 台慈不罪而終教之幸
甚幸甚